

नामांक

Roll No.

--	--	--	--	--	--	--

No. of Questions — 14

**SS—26–Raj. Sah.**

No. of Printed Pages — 7

**उर्ी माध्यमिक परीक्षा, 2013**  
**SENIOR Secondary Examination, 2013**

**राजस्थानी साहित्य**  
**( RAJASTHANI SAHITYA )**

समय : 3  $\frac{1}{4}$  घण्टे

पूर्णांक : 80

परीक्षार्थियों सारू सामान्य निर्देश :

- (1) परीक्षार्थी सबसूं पैली आपरै प्रस्न पत्र माथै नामांक जरूर लिखे ।
- (2) सगला सवाल करना जरूरी है ।
- (3) हरेक सवाल रौ पडूत्तर उत्तर पुस्तिका में ईज लिखणो है ।
- (4) र्जिण सवाल रा अेक सूं अधिक भाग है तो वां सगळा रा उत्तर अेक साथै लगातार लिखौ ।
- (5) लेखन मांय सुद्धता अर वैज्ञानिक विवेचन करियां ज्यादा अंक दिरीजैला ।
- (6) वर्तनी, व्याकरण अर सुलेख रौ विसेस ध्यान राखौ अर ओपतौ पडूत्तर देवौ ।
- (7) उत्तर राजस्थानी भासा में ईज देवणा है ।
- (8) पूर्णांक अर प्रस्नांक ठावी ढौड़ अंकित है ।

1. नीचै लिख्वा गद्यावतरणां री सप्रसंग व्याख्या करो —

(क) अेक आखर कैया बिनां ही रामजस सौ समझग्यो । आंख्या रा भाव-आंख्या में ही पढ़ लिया । देख्यौ कै कोई टाबर रै कमीज कोनी तो कोई रै जूत्यां कोनी तो कोई टोपी खातर उणमणो है । भूरी रै दो पुराणी साड़ी छोड़'र तीजी रौ नांव कोनी । अर आप रै किसी पौसाकां ? अेक पजामो अर कमीज, जिणां ने छुट्टी रै दिन धो'र सुकावै, पगां में टायरां री चप्पल ! टाबरां रौ औ हाल ! लिछमी-सी लुगाई और डोळ ! इतै दिनां में बोरिया बिखरग्या !

#### अथवा

अेक दिन स्वामी जी सोच्यौ अर फैसलो कर लीनो आदमी रौ आधो अंग लुगाई है, लुगाई नी सुधरसी तो घर नीं सुधरै; तो फेर लुगाई नै भी सुधारो । नारी रै सुधरणै री संस्था बणावणी घणी जरूरी है । फेर कांई हो ? स्वामी जी रौ आव्हान हो अर दूजी बिती ही बड़ी संस्था बणाली-दो संस्थावां बराबर रो खड़ी हो ली ।

4

(ख) देस बदळ्यां सूं कांई आदमी रो मन बदळ जावै ? संस्कार, संस्कृति, खांणपांण, आदतां, वेशभूषा, मानतां, सोच, जिन्दगाणी रो तरीको । घणी बातां होवै जिकी आदमी रां खून मांय रची-बसी होवै । पीढ्यां बीत जावै पण अै बातां नीं बदळै । भारत सूं गया लोग रैवता मॉरीशस में हा पण वारै मन में हिन्दुस्तान बसतो हो ।

#### अथवा

पण इण तरियां तो माया रा रूप गिणायां गिणीजै नहीं कठै लग रामाण करां ? मिनख जमारै नै सुधारण रौ कोई सीधो सो नुसखों बतावो । तो फेर सुणौ मिनख री सगळी गतविध रौ आधार है चितवणी । कथणी अरकरणी । मिनख जिनगाणी रो गाडी रा दो पैड़ा कथणी अर करणी । चितवणी है उणरो धुरो । धुरो अर दो पैड़ा ठीक-ठाक तो गाडी चालै सड़ाक-सड़ाक ।

4

(ग) पीड तनै अेकलै ने हुवै है ! जिकी बासतै तैं लगाई है उणमै सगळां सीज रह्यां है ।

..... तूं सूरजड़ी नै जोव, जिकी लुगाई थारी जोगण ही ..... थारै नांव सूं हरी करस होवती ..... मोती लुटावती ..... बा किती सुलगती हुवैली ? जिकौ भाई लिछमण री तरियां तनै पूजतो ..... वो कितौ दुखडै में कळप रैयो है ।

### अथवा

“जीवण अेक विचित्र नाटक है । अेक-अेक घड़ी रौ भी किण नैं ई नहचौ नी ? सगळां सुख असल में दुःख ईज है । सुख घड़ी-पोर रां है, अजर अमर है तो आ मिरत्यू ! मोत ! आं मिरत्यू ई एक अमर सत्य है ! ..... इण पीड़ा रौ अनुभव ई साचो अनुभव । आपां सगळां जणां तो रमतिया हां । रमतिया बणावै जिकों ठा नी कद तोड देवै ..... क्रियां तोड देवै, आपां नी जाणां ।”

4

2. 'सूरज री मोत' नामक कहाणी में लेखक गरीब वर्ग री संवेदना ने किण भांत दरसाई है । स्पस्ट करावो । 4
3. "डाक्टर रौ ब्याव" अेक सामाजिक समस्या प्रधान अेकांकी है । स्पस्ट करावो । 4
4. 'साहित्य सत्यम् शिवम् सुन्दरम् है !' कियां ? स्पष्ट करावो । 4
5. उपन्यास रै तत्वां रै आधार माथै 'हूँ गोरी किण पीव री' नामक उपन्यास री समीक्षा करावो । 4
6. आधुनिक राजस्थानी काव्य में राष्ट्रीय सांस्कृतिक काव्य-धारा रौ परिचय दिरावो । 6
7. नीचै लिख्यां विसयां मांय सूं किणी अेक विसय माथै राजस्थानी भासा में निबन्ध लिखौ : 6
- (i) राजस्थान रा लोक देवी-देवता
- (ii) म्हारौ प्रिय कवि
- (iii) भ्रस्टाचार अर निराकरण रा उपाय
- (iv) म्हारी तीरथ जातरा ।

8. नीचे लिख्यां पद्यांसां री सप्रसंग व्याख्या करो :

5

(अ) जावौ नागणी नाग वेगौ जगाड़ौ,

अटै मांडसां आज बेहू अखाड़ौ ।

रढीजै इसा मात आगै रढाळा,

चवीजै नहीं बोल, ऐ काळ-चाळा ॥

**अथवा**

तीतर बरणी चूँदड़ी नै काजळियां री कोर

प्रेम डोर में बंधती आवै रूपाळी गिणगोर

झूठी प्रीत जताती, झींणै घूघंट में सरमाती

ठगती आवै बिरख्रा बीनणी ।

(ब) अस रा असवार ऊजळां,

रह्यौ ऊजलै वागां

ऊजळी खागां

ऊजळै मनां

राखियो खत ऊजळौ,

पण असल रंगरेज आसरा

थें रंगियौ कसूंबल धरा-पोमचौ

बिना कर रंगियां ।

5

**अथवा**

या चोफेरुं फीकी हांसी,

झूठां अपणापण की फांसी,

सै संझ्या चमनी को बझबो, कतनी बार मरु

महूँ कतनी बार मरूँ ?

9. 'राजिया रां सोरठां' री सरलतां अर सुबोधतां माथै प्रकास डालता थकां, उणमें निहित नीति-तत्व री विवेचना करो ! 5
10. 'वीर सतसई' में चित्रित वीर भावना माथै प्रकास डालो । 5
11. 'कुण देवैला हेलौ' कविता रौ भाव सौन्दर्य आपरा सबदां में लिखो । 5
12. काव्य री परिभाषा देवतां थकां उण रौ प्रयोजन समझावौ । 5
13. वेलियो छन्द रौ उदाहरण सागै परिचय दिरावौ । 5
14. अनुप्रास अलंकार री परिभासा उदाहरण सागै समझावौ । 5

